

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM DIE MARTIS XXVII. MARTII.

M. CLAVDIO GERMAIN, Doctore Medico, Præside.

1210

An in magnis inflammationibus & doloribus, sanguinis missio ad animi deliquium?

SEMEN ab universo utriusque parentis corpore decisum, compendiosam, sed efficacem partium omnium ideam continet. mores insiti, morbi congeniti in tam pusillo, invisibili & spiritali principio suas viviradices firmant, quæ in natis non raro sopitæ feriantur, ut acrius reviviscant in neporibus, avis quàm parentibus similioribus. Ne credas cum Genethliacis ex felici vel infelici, ut aiunt, syderum conjugio in nativitate puncto, mortalium faultam vel infaultam sortem pendere. Spiritus ille genitor, sui domicilij architectus & custos fidelissimus, proportionem respondens elemento stellarum, sit tibi cælum in quo fata nostra variè sigillantur: hujus pravam indolem vix Moralis Philosophiæ præcepta, vix artis magistræ leges, vix calor nati *cardialis* immutabit. Gaudeant benè nati, & tempestivo ac moderato rerum non naturalium usu, de bonis animi & corporis sibi prospicientes, felicem ac beatam ducant vitam. Labor, cibus, potus, somnus, venus, animi perturbationes, omnia medicria. Hos fines si transieris, ingens succrescet variorum & diversorum excrementorum cumulusque aut nimia mole calorem nativum obruent, aut frigida qualitate extinguunt, aut quod frequenter est magnâ inflammatione & igne ustulatore cum acerbissimis doloribus citissimè exhaurient. Semajor flamma minorem extinguit.

DOLOR, symptoma naturæ insensissimum, sentientem spiritum cruciat intemperie & solutione continui: Calida acribus, falsis, amaris atomis pungit, irritat, inflammat. Frigida acerbis, austeris violenter constringit, acidis stuporem inducit, coagulat, dividit, ulcerat, adurit, nonnunquam gangrenosum parit. Mirere interim ex contrariis causis similes effectus produci, & similibus aliquando tutius quàm contrariis curari: nullum emorienti à frigore parti præsentis auxilium nive diu multumque afflicta: ustioni ab igne vini spiritui, qui quò defœccatior ac subtilior, eò citius dolorem demulcet & sanat. Non falleris nec falles, si dolorum differentias ex saporum diversitate distinguas, calidum, frigidum, humidum & siccum sola exiguas habent vires. Acrida, falsa, amara, acerba, austera, acida cum ad suas *dispositas* per *diacresin* pervenerunt, & linguæ, sic aliis partibus sensibilibus cute denudatis, diversos doloris & tristitiæ sensus inducunt, quos paregoricis tutò, narcoticis insidiosè, tutissimè evacuatâ causâ morbificâ delinies.

INFLAMMATIO omne morbi genus complectitur, simile, organicum, & commune, sanguinis est per venas & arterias uberius in partium inania spatia influentis soboles; calore, rubore, dolore, renixu, pulsu molesto se prodit. Quocunque in loco sedem fixerit pro illius varietate & humoris indole varia sortitur nomina, diversasque induit formas: *obstus* est vel *crassus*, *diuresis* vel *diacresis*, si magna fuerit, præsens semper *diaphoresis* periculum aut partis aut universi corporis minatur: Frustra naturæ facientis auxilium per diaphoresim & laudabile suppuratum expectabis: In initio, augmento & statu insensissimus est omnium catharticorum usus, etiam in pleuritide inferâ, nihil detrahunt à parte inflammatâ, affluens sanguinis efferum orgasimum exasperant, fervorem adaugent, naturæ laborantis vires magis prosterunt, illamque pro suo jure humorum pepasmo incumbentem interturbant. Hoc semper fit in liberali evacuatione, quæ si valide sint vires, simul & semel omnem aut saltem majorem partem sanguinis copiâ & qualitate peccantis citissimè eliminat, cui si accedat tenuissima diæta, & frequens refrigerantium ac lenientium medicamentorum usus, quæ humorum acrimoniam demulceant, omnes verè & legitime curationis scopos adimpleveris.

SI verum calculum ponas nihil in totâ arte nostrâ negotiosius esse deprehendes quàm de remediis evacuatis & humoris evacuandi quantitate definire. Prudens tamen & peritus Medicus qui morbi magnitudinem ex *το γινεσθαι καὶ ἐν τῷ εἶναι*, & ægotantis vires tum præsentis, tum futuras sagaci conjecturâ & proprijs *παρατηρήσεις* exactè præviderit & cognoverit; vix à scopo aberrabit. Concoctum & misticatum humorem convenientibus catharticis per *ἐπιχειρῶν* repetitis semper tutò evacues, nunquam securè mochlicis, quæ suæ malignitatis labem inurunt partibus Principibus, utiles & benignos succos corrumpunt, corruptos unâ cum noxiis & constanti virium exolutione ad animi deliquium eliminant. Secus de sanguinis missione sentias velim quæ in magnis inflammationibus & acerbissimis doloribus per *ἐκπαλίψεον* celebrata, quia non omnem mali causam citò eliminat nihil ferè aut parum affert emolumenti; cum superstes fervens & corruptus sanguis in suæ putredinis consortium, purum & laudabilem trahat; hinc perennis generatio humoris morbifici, perennisque affluxus ad partes affectas: sic in multis dies cum insigni virium jacturâ & maximo vitæ discrimine prorogatur crudeliter morbus, qui sanguinis missione simul & semel celebratâ ad animi deliquium, omni aut saltem majori ex parte evacuatâ causâ morbificâ confestim sanaretur, aut misceretur cum fugaci & facile reparabili virium detrimento.

QUID ergo dubitas Hæmophobe more veterum largâ manu ad quinque aut sex libras, & ad hypôthymiam usque sanguinem detrahere. An Hippocrates & Galenus illud Præsidij genus temerè consulerunt, & in usum revocarunt? Qui de prisânâ innoxio planè medicamento pleuriticis tempestivè exhibendo, tam severas leges posteritati reliquerunt. An quia senescente mundo atrox hominum vires tam amplam sanguinis evacuationem vix ferre possunt? Nequaquam. Sola Medicorum timiditas imperitæ multitudinis malefana voris auscultantium ægotantibus illud salutare præsidij genus interdixit; quo momento temporis ardentissimæ febres, synochi putres, impures non ægotantes jugulantur. Sic sinceræ phrenitidi, anginæ, pleuritidi peripneumoniæ, magnis viscerum inflammationibus, acerbissimis articularum doloribus, carbunculis, lassitudini phlegmonosæ, omnibus denique morbis quos parit sanguinis ubertas æstus & putredo medebris, in corporibus plethoricis, *ποδυσμυς*, *ὀρχοσις* *ὑπερσπυρσις*, copiosè enim & ad animi deliquium detracto sanguine, statim calor extranei æstus compescitur, & natura levata omnibus recollectis viribus alacrior insurgit ad reliquias causarum morbificarum exterminandas per alvi profluvium aut sudores quos blandus excipit somnus sicque derepente, & ad instar miraculi solvitur morbus.

Ergo in magnis inflammationibus & doloribus, sanguinis missio ad animi deliquium.

REFiciant omnes & singuli Theſim à M. Francisco Blondel de Antimonio exaratam, sub nomine M. Claudij Germain his conceptis verbis expressam, & negativè conclusam, *Pertinet-ne hæcenus ullâ preparatione Antimonium emendari?* in Scholis Medicorum non fuisse disputatam, sed Typis mandatam, curâ solius M. Francisci Blondel, invidiâ Facultatis, & M. Joanne Armando de Mauvilain Decano vetante, vi Facultatis Decreti nonaginta duorum Doctorem suffragiis lati, Senatûque Consulto confirmati: Tum denum die Mercurij 21. Martij 1668. novo & altero Senatus Decreto, orante Decano, prohibuit Senatus ne hæc Theſis de Antimonio in Scholis Medicorum propugnaretur.

Asserebat Lutetiæ GABRIEL DACQVET, Lemovicensis, A. R. S. H. M. DC. LXVIII.